

593998

欽定剿平三省邪匪方略

正編

四

二



欽定剿平三省邪匪方略正編卷八十二

戊子年

十月十九日巳酉勒保奏言冷添祿一股賊匪經

臣設法誘擊殲斃多人該匪等自知無路竄逃

守禦益固臣督率將士於二十三及二十六

等日分路進攻而賊匪據卡嚴防一見官兵上

至陡險處所卽鳴鑼集衆鎗石並發兵勇節有

損傷令人實深髮指臣於各兵勇內復挑選振

援趨捷之人作爲前隊先撲賊卡令後隊兵勇

各執攜牌稍避鎗石以期乘勢並進二十八日

四更酌派觀成百祥富爾賽穆克登阿帶兵三

路直抵賊卡下各兵勇扳開鹿角鼓勇爭先並

有躍過壕溝與賊攪殺一處者後隊官兵卽用

攜牌遮護跟蹤而上撲開賊卡四處殲斃執旗

賊目二名殺賊無數維時賊衆捨命相持飛石

如雨遊擊張良槐都司劉成玉守備王榮等次第帶傷並不退怯仍督兵力撲惟賊巢上下坡坎層疊未能深入直至申酉之交遂將官兵暫劄正擬次日併力進攻適據後路探報有賊匪一股擾至溫湯井地方勢頗猖獗正在專差確探復接明亮來信知係張漢潮一股賊匪自兩河口等處剿敗後晝夜奔逃由太平通江邊界

直至開縣譚家壩温湯井一帶路通奉節大寧

可以竄回楚北且距此間軍營後路甚近而中

間貓兒寨地方本有蘭芽塲餘匪一股在彼屯

紮此起賊匪自首逆洪道人就擒之後其牟登

元一犯有稱已被官兵殲斃者有稱逃入別股

者所有剿剩匪黨六七百人於東鄉邊界往來

遊奕因各路團勇屢次殲擊無路遠颺復竄至

貓兒寨經臣派令叅將褚大榮胡尙賢帶兵圍

困正期全數殲除茲乃值張漢潮股匪衝突而

來設一經勾結不但於後路大有關係且令添

祿等本有等候同教接應之說更不可不設法

隄防臣得信後卽飛飭大寧奉節巫山各屬星

夜團集鄉勇扼要堵禦並於各營卡內密抽官

兵二千餘名馳赴窄口子地方相機截擊又添

派兵勇交褚大榮等帶領以防匪黨衝合詎張
漢潮匪衆分起狂奔甫至蝦巴口距貓兒寨二
十餘里因探知有官兵在彼截堵卽折竄東壩
溪經兵勇擒獲探馬鄢朝相等三名解營訊據
供稱張漢潮由太平一路分起前來其頭起賊
匪已先由尖山壩向東逃竄後起賊匪均由東
壩溪傅家壩陸續行走因雲陽地方現有大兵

駐劄不敢停留等語臣查此刻令添祿一股賊

匪圍困嚴密與張漢潮聲息未通自不致彼此

勾合惟夔府所屬本來守禦空虛今賊匪既接

續東竄又復一面知會明亮與肇督率兵力務

期倍道兼馳緊躡追捕一面知會景安高杞於

湖北邊界一律嚴防所有臣處抽撤官兵卽令

由沙沱子等處偵探賊蹤相機協剿臣亦移兵

江口以壯聲援其祖師觀周圍營卡暫行照常
防範另圖進取惟當攻圍喫緊之際復因此分
兵牽綴下忱焦灼實屬悚懼靡寧

勒保又奏言查王光祖林亮功等股賊匪前從

江北分竄合州隣水一帶經臣嚴飭劉君輔富

森布趕緊帶兵攻剿並飛飭各地方官分投堵

禦嗣據各路稟報該匪等由合州隣水兩路滋

擾岳池縣屬大溪口該處爲順慶府通判分駐

地方署通判周履謙帶領鄉勇馳赴梅子埡扼

要堵截賊匪復分股從水田壩小路繞至大溪

口塲後該署通判家丁童易攜帶關防前赴梅

子埡報信正值賊匪竄入童易被戕關防亦卽

遺失周履謙當卽帶領鄉勇馳回始將賊匪剿

散岳池縣知縣朱泰茹亦帶領團勇從走馬嶺

一路援應而至斃賊三百餘名匪衆仍折竄隣
水地方維時劉君輔帶兵趕到與該縣知縣鍾
人傑併力馳擊復斃賊二百餘人追至廣安地
界又經該州知州阮和吏目樓在齊等率領鄉
勇於三溪口杼路坎一帶分投邀擊所有林亮
功一股剿散之後賊目包正洪卽向渠縣之永
興場等處竄去現經達州各屬團勇分投堵截

織弊極多其大駭匪衆仍由岳池黎梓衛竄至
合州楊家崖正遇富森布督兵迎截該匪等無
不捨命相持富森布帶同叅將姜敏功遊擊楊
國林都司司國屏等分路奮擊連次接仗於渭
子溪小沔溪雙鶴寺等處鎗斃執旗賊目二名
賊匪百餘名及二三百名不等賊衆又翻山從
草街子向江北廳屬東陽鎮一帶奔逃

臣查王

光祖等股賊匪現復折入江北邊境設令偷渡
過江窺伺重慶所關匪細當卽飛飭該地方文
武將船隻全數撤赴南岸實力堵防並嚴飭劉
君輔富森布速由合州廣安兩路進兵夾擊以
期立就殲除至羅其清冉文儔徐添德等節經
惠齡恒瑞德楞泰富成等督兵攻剿復又分竄
營山縣太鵬山並達州所屬火盆山一帶而額

勒登保所剿廣元一路餘匪亦向儀隴一路潰
逃察看大局自不致再行北竄至此次富森布
一路叅將姜敏功因衝撲賊隊受傷陣亡守備
劉興國千總王九錫均經受傷

同日景安奏言臣於十月初九等日連接各路

探報張漢潮一股賊匪又復竄至川省大寧縣
龍溪河等處漸近楚境臣查大寧北界房竹南

通巴歸二竹地方早經臣籌佈兵勇派令鎮臣

路超吉率同將備嚴密防堵惟房縣距大寧最

近該縣九道梁等處尤爲險峻臣亦預派副將

樊雄楚等帶領兵勇扼要設卡臣現復帶兵前

來房縣居中策應督率嚴防倘賊匪竟敢前來

窺伺臣卽帶兵迎頭截剿後有明亮追躡前有

臣兵堵截兩路夾擊定可得手若賊探知北路

防備嚴密不敢竄越自必由川境之巫山南窺

巴歸彼處亦早經

臣

派鎮臣王凱前往並派兵

三千餘名團練健勇五千餘人擇要設卡撫臣

高杞復經前往會同該鎮嚴防萬無可虞均奏

入

上命軍機大臣傳諭勒保惠齡景安明亮高杞曰冷

添祿一股久經官兵圍困勒保帶領多兵並不能

峽搗賊巢輒藉稱山險路滑與賊日久相持以致
張漢潮及蘭芽場屯聚餘匪復思勾結擾及後路
勒保又移兵江口策應前次令勒保先赴川北督
剿則稱將領俱不足恃兵力難分今又將祖師觀
賊卡委之將領攻圍伊復移駐江口豈非進退無
據自相矛盾乎似此處處爲賊牽掣茫無所措則
賊首冷添祿於何日始能拏獲其奏定限期豈不

竟成虛誑且前據勒保奏稱王三槐爲著名首惡

冷添祿祇係分股賊目自當易於搜捕今王三槐

就獲已閱多時而冷添祿又經層層圍逼勢極窮

蹙乃以如許兵力剿此一股本困守之賊轉日久未

能剿竣可見伊前奏非空言邀功卽係自存滿足

實屬負恩無能勒保著再傳旨嚴行申飭至張漢

潮一股本係明亮與肇帶兵追擊昨據惠齡等奏

已將張漢湖之子張正澂拏獲該犯自必聞風膽

落無難一鼓殲擒乃任其輾轉奔逃由太平通江

直至開縣一路往來自如明亮等所辦何事而劉

君輔富森布所剿之王光祖林亮功等股亦並不

趕緊兜剿復任折竄通江及江北一帶均屬無能

之至明亮與肇劉君輔等著傳旨嚴行申飭其陣

亡之叅將姜敏功着咨部加等議卹至張漢湖等

現在竄近奉節大寧等處附近楚北邊界景安務
須與高杞督率鎮將兵勇分段實力嚴防迎頭堵
截勿使一名闖入爲要

二十三日

癸丑

明亮與肇高杞奏言竊張漢潮率

領敗殘餘匪向大寧東面繞道狂奔勢必闖入

楚境

臣

明亮與肇由開縣抄道前來輾轉兜剿

該匪益形窮蹙未得與勒保圍剿之賊牽綴合

駁初五初六等日日有斬戮初七日至楊家坪
擒獲探馬徐良貴章秀等訊據供稱連被官兵
殺傷甚多日來張漢潮帶領男婦先逃暫留矛
手八百餘人在後迎拒官兵以便覓路逃生又
聽張漢潮說要逃過界嶺仍回巴東歸州無城
垣地方擄掠牛馬衣物到荊州襄陽再作計議
等語臣等思張漢潮狡猾性成往往指東竄西

似難深信復加哨探該匪竟向界嶺東竄界嶺
與湖北巴東歸州相聯東北界連襄鄖東南近
接荆宜設不繞出賊前相機攔截更覺費手

臣

明亮等當卽飛咨高杞擇要迎剿一面聲言由
陸路追擊一面札飭夔州守張至幹調集南岸
船隻於初十日帶兵順江而下十二日戌刻趕

抵巴東

臣

高杞先已接准勒保及

臣

明亮等咨

札並連日拏獲賊探丁宗學等僉供張漢潮現

到九灣子木瓜溪等處先令伊等潛探何處可

過便從何處衝入臣高札卽與鎮臣王凱於各

卡酌添壯勇晝夜嚴堵仍各帶兵與臣明亮等

會合迎剿適據探報十三日張漢潮率領賊匪

來衝羅坪營卡臣明亮等因該處地方前此賊

匪曾兩次闖入山勢散漫若官兵圍剿情急恐

賊衆向四山亂竄不能盡行擒殺查羅坪以東

白楊坪以西有山嶺一道過嶺十餘里兩面皆

深陡壁莫若將賊人誘過大嶺至峽內兩面夾

擊隨飭知羅坪官兵不許出卡虛放鎗礮使賊

人由溝底竄過大嶺臣高杞卽與王凱率同員

弁潛帶兵勇集於嶺上合力下壓臣明亮與肇

督同圖桑阿愛星阿鎮臣長春木騰額遊擊應

元寬游棟雲守備王成傑帶領馬步官兵在峽

口外埋伏俟賊人臨近齊力迎殺未刻賊人馬

隊百餘步賊五百餘人來至峽口臣明亮等率

領官兵一湧而出鎗箭齊發賊猶捨死抗拒因

殺傷甚多始行收回臣高杞同王凱等立時帶

兵從嶺上下壓前後殲擊生擒一百二十五名

內有長探頭人張聯科等三名割獻首級二百

五十顆該匪攀援石壁逃逸者不滿六七十人
訊據張聯科等供張漢潮前數日在前狂奔我
等在後拒敵昨日他選派我等五六百人來衝
營卡他現在羅溪壩紮營未來當將該犯等立

行正法

臣

明亮等同

臣

高杞卽領官兵分兩路

迎剿黎明趕至羅溪壩張漢潮已聞風從原路

回竄

臣

明亮等此番從水路而下原爲出其不

意以圖生擒張漢潮今該匪雖未闌入楚境而
首逆究未成擒惟有不遺餘力漏夜緊躡賊蹤
設法剿擒以冀速獲首逆至臣高杞因賊匪颺
忽無定仍與王凱督率各卡文武兵勇悉力防
堵總不使復入楚省奏入

上命軍機大臣傳諭勒保景安明亮高杞曰明亮等
追剿張漢潮股匪爲日久總不能速行擒獲又

任輾轉奔竄欲思闌入楚境今雖與高杞在巴東
地方會同截擊賊匪仍竄回原路張漢潮迄未成
擒似此爲賊牽綴忽前忽後伊於何底明亮與肇
著再傳旨嚴行申飭其楚北邊境景安高杞仍當
督率鎮將等實力防堵探蹤截剿

二十五日^{乙卯}宜綿秦承恩奏言^臣等探聞川省

箕山各股賊匪因官兵剿捕緊急分投奔竄正

集卷之三十一 嘉慶三年
在嚴飭各邊卡加意防堵旋據寧羌州稟報有

賊匪七千餘人由四川廣元寬灘分股竄至歇

臺子流沙坡一帶距陝省寧羌邊界甚近經總

兵索費英阿副將李文蔚都司王興朝等帶領

兵勇分頭堵截殲賊多名賊退回大紅崖山下

會合一處繞至七坪子連夜翻山竄至寧羌卦

子山西流河一帶又據探報通江賊匪一股約

三千餘人兩次攻撲南鄭哨風樓毛狗洞卡隘
因該處隘口俱用石牆壘斷守卡鄉勇憑高抵
禦賊匪不能撲上遂翻老林東竄城固邊界

臣

等悉心籌酌川匪竄至寧羌城固東西兩路均
關緊要但東路城固之賊距江岸稍遠已飛飭
各卡鄉勇趕緊堵截並令城固縣牟鴻騫帶領
義首李斌段經德等扼要嚴防一面飛調防守

西鄉大池壩之副將官信等迅速帶兵繞至北
路向東逼剿惟西路寧羌之賊逼近寬川大安
驛路爲陝省門戶可由畧陽而入甘省亦可由
褒城而至棧道必須先爲剿辦當卽飛飭署副
將蘇維龍知府趙洵帶領兵勇迅赴寧羌鐵鎖
關一帶相機堵截一面札會王文雄帶兵飛赴
西路探蹤截剿並派都司直支珍守備尙其倫

帶領兵勇馳至黃官嶺一帶遏其北竄之路賊
知鐵鎖關堵禦甚嚴卽由西流河向東北一帶
奔趨十一日午刻甫抵銅廠正遇王文雄帶兵
趕到賊匪退回對面山梁排列王文雄督同叅
將鍾岳等帶兵迎剿賊恃其人衆分作兩路壓
下勢甚兇悍我兵亦分兩路施放連環鎗礮向
上迎擊搶至半山賊猶抵死不退我兵用過山

鳥打斃執大旗騎馬賊目三人賊始退回山梁
相持數刻又密分一股潛伏西路山溝欲從半
山突出抄截我兵之後王文雄瞭見令糧員州
判張聖祐馬兵王廷英帶領鄉勇夫役趕至山
右林內見溝內之賊俱已爬至山腰卽大聲吶
喊各用大石向下擲擊斃賊數十人餘匪紛紛
退走王文雄督率弁兵衝賊大隊賊匪登時潰

亂向山下捨命奔逃我兵緊隨趕剿殲斃賊匪
一千餘人並截住溝內賊匪四百餘人全行殲

淨奪獲馬騾器械甚多生擒張金等八十三名

訊據供稱此股賊首係阮正通樊學銀陳文寬
李必福等共有七十餘人因聞兩當徽縣糧食

甚多欲竄往搶掠再行北去不料行至銅廠地
方卽被官兵截住等語餘無要供當卽分別正

法餘衆翻過老林向東奔竄王文雄恐其由罈
口子竄出大路該處雖派有叅將鮑貴防守但
祇帶兵五百名未免稍單隨飛飭董文珍尙其
倫速由黃官嶺趕往接應十二日黎明賊匪大
隊奔至罈口子見鮑貴帶兵無多公然分作三
路直撲營盤鮑貴悉力抵禦適董文珍等帶領
兵勇趕到卽時搶佔山梁與鮑貴兩面夾擊自

辰至午擊斃賊平匪六百餘人騎馬賊十餘名賊

衆披靡卽向南翻老君山大嶺竄至紅廟塘漸

近江岸

臣

等因江水已涸到處褰裳可涉當飭

漢興道文需知縣章廷楓等多集鄉勇沿江上

下排列旂幟帳房大張聲勢並令革職藍翎侍

衛慶廉帶領投効武舉武生給以馬匹弓箭於

樹林茂密之處絡繹偵探以作疑兵十三日早

賊匪馬步數十人潛至江岸窺探慶廉偕典史
崔萱率同兵勇用大礮轟斃馬賊二名步賊三
名餘匪退回紅廟塘大夥賊衆卽由法慈院一
路向東奔逸適王文雄已由北路抄繞前來

臣

等卽令由五郎口一帶向東北兜截顧住江岸
並令董文珍尙其倫等由法慈院跟蹤追剿兼
防賊匪折竄其竄至城固之賊經知縣牟鴻騫

帶領鄉勇在二即壩毛埡子一帶奮力堵截殲
賊數十人未令北竄隨向東擾至西鄉罐子山
又經同知徐洪懿知州宋昌琿督率守卡鄉勇
施放鎗礮斃賊三百餘名賊衆遂南竄大巴関
一帶此二股賊匪相距不遠似欲尋蹤會合

臣

等以賊匪分路奔竄未免牽掣官兵莫若逼令
歸併一處正可悉力兜圍現在飛調防守西鄉

東路之總兵慶溥及防守紫陽石泉之總兵柯

藩關騰等各帶兵丁與王文雄等會合兜剿

臣

等亦卽趕赴西鄉一帶就近督辦

同日福寧奏言查徐添德等逆日前由渠邑楊

家場竄屯達州之火益山當經各寨團勇併力

堵禦該匪等繞至州屬之羅江口土地壩一帶

滋擾因城內兵單隨抽撥鄉勇派令擇要嚴防

近城村莊未遭蹂躪民情尚屬安帖刻下此股

賊匪現在蓮花庵等處遊奕若得官兵追剿前

來卽可由達州撥運糧石以資兵力近接巴州

南江等處稟稱巴州之江口蒼溪之三會溪廣

元之琉璃院均有賊匪竄入而岳池廣安合州

長壽各州縣亦有賊匪紛擾水路運道已被阻

隔查川北各路官兵所需軍糧業飭附近各州

縣就近分投運供無虞匱乏惟達州存糧恐形

短缺臣預令永寧道石作瑞設法購買寬爲備

貯刻下川東各營軍糧亦極充裕至明亮等追

剿張漢潮一股賊匪現由開縣一路前進除飛

檄夔府各屬協力供送糧石以濟兵糈外其餉

項已節次撥解過銀四萬餘兩儘足敷用惟昨

准秦承恩咨開明亮等一路官兵前在川境月

餘計需餉銀十萬有奇應由川省照數找補歸

款報銷又川省糧員田文煦稟稱七月間陝省

糧員在川尙欠明亮等軍營兵餉銀三萬兩有

餘衆兵紛紛補領等語查明明亮等前此由陝帶

兵入川因賊匪在前一切糧餉實難迎頭運供

當經飛咨陝省暫行尾隨支應一面派委糧員

田文煦等繞道趕赴接辦嗣賊匪折竄西鄉該

糧員亦隨明亮等同往陝省當由川省撥給餉銀一萬五千兩今陝省既欲找補銀十萬兩零指爲在川支用而糧員又稟稱舊欠軍營兵餉三萬有零亦須在川補領通計所用餉銀積至十四萬五千餘兩伏查明亮所帶兵丁不過三千餘名前於七月初二日抵川卽於是月二十六日出境在川不過二十餘日何至須銀一十

四萬餘兩之多且據糧員具稟明亮等軍營共帶長騾一千餘頭長夫二千餘名是否屬實抑係一面之詞現在咨詢明亮令將實用銀數及夫騾數目詳晰查明並咨查陝省支用細數確

核查辦

臣

深念

國家經費有常竭力撙節猶恐日用日多若再任聽虛糜更復何所底止今明亮等一路官兵如

此多費諒各營亦所不免此時正當剿捕萬緊
之際勢難齊集員弁確加質算惟有盼望賊匪
蕩平再將濫支濫應各項查明分別覈實辦理
均奏入

上命軍機大臣傳諭勒保惠齡宜綿秦承恩明亮福
寧曰川省賊匪因被剿緊急分投奔竄寧羌城固
一帶俱經宜綿等擊退未令竄近漢江所辦尚好

此二股賊匪已逼令歸併一處惟當督率鎮將等
併力奮擊不拘何人能將賊首拏獲卽係何人之

功漢江一帶仍應嚴密防堵勿使乘間闖入惠齡
等旣未能將緊要賊首羅其清等速行拏獲又任
各股賊匪四處分竄所辦何事豈有在彼株守而
於他股竄匪竟置不顧之理明亮等剿辦張漢潮
一股亦未擒獲賊首豈以業經截回卽可藉詞卸

責耶惠齡恒瑞明亮興肇等均屬無能著再傳旨
嚴行申飭至明亮等一路所帶兵丁祇三千餘名
在川祇二十餘日何至需銀十四萬餘兩所帶長
騾長夫亦何須用至一二千之多若非任意多索
卽係藉端開銷但帶兵大臣俱係欽差違例多索
糧員等自不敢不行應付是濫應固所不免而濫
支之弊爲多著勒保福寧會同據實嚴查將任意

浮支各員卽行嚴叅如係糧員濫應冒銷亦卽查
明劾奏毋得稍有瞻徇並著明亮先行明白迴奏

二十九日巳未惠齡恒瑞富成額勒登保德楞泰

奏言臣等前將箕山賊巢攻破分路兜剿羅其

清率衆竄上太鵬山寨屯踞因恐各股賊匪分

路潰逃闖入陝境當卽公同商酌臣恒瑞酌帶

官兵前赴寧羌一帶會同堵截正在啟行之際

聞有賊匪數千人在營山九嶺子方家廟一帶

滋擾運道並有窺伺營山縣城之意查陝界現

有督撫提鎮嚴防

臣

恒瑞際此賊勢鴟張未敢

拘泥原奏率行前往當卽會同飛咨該督撫外

一面派令副都統銜阿穆勒塔副將汪啟帶兵

二千名前往營山截剿

臣

等會剿羅其清大股

以冀及早殲除但查太鵬山險陡異常向係民

八禁寨木柵石墻極爲堅固且西北一帶又有

觀柴山龍臺山馬山溪三層山梁均有賊人紮

卡把守東南一帶有鄭家山梁遮蔽中隔一溝

爲寶珠寺山其東北雙山子等處亦極高峻各

有賊卡多設礮石嚴防_臣等再四熟商必須將

四面各賊卡攻克方能進逼賊巢當卽分路進

剿_臣 惠齡額勒登保由西北一面進兵_臣 恒瑞

德楞泰由東南進兵同時並發

臣

額勒登保督

同綸布春阿哈保格布舍楊遇春等帶兵由觀音坪直進賊先已占踞轎頂山烟墩山等處紮卡據守我兵攻打數次殺賊二百餘人該匪等施放鎗石從上壓下我兵鎗箭並發連斃賊匪三百餘人詎賊匪詭詐異常由林內突出數百人繞在我兵之後當有吉林委署叅領巴彥保

委官額勒京額恒泰等翻身迎殺手刃賊匪十
餘人巴彥保等三人中鎗陣亡千總馬文貞土

守備銜桑吉均經受傷適臣惠齡帶領總兵朱

射斗副將關聯陞副將銜穆克登布叅領佛寧

等由獠牙寨過深溝上滴水崖搶占西面龍臺

山賊卡殺賊五百餘人從旁抄襲前來始將賊

匪截住臣等兩路併力剿殺兩晝夜由洞庭觀

周家嶺將馬山溪及觀紫山兩處賊人大卡攻

克殺賊七百餘人復將林內各賊擊退殺斃三

百餘人賊衆均向太鵬寨北門竄去維時臣德

楞泰督率賽冲阿温春達三泰副將德寧扎勒

杭阿等帶兵從東南消水溪搶占馬鬃磯攻奪

賊卡三處賊人撲壓數次抵死抗拒當有吉林

委官誇德恩特和默蒙果勒首先跳入卡牆連

拋火彈立將賊棚焚燒賊衆慌亂委官富昌阿
乘勢砍開木柵我兵一湧而進鎗箭並施殲賊
三百餘人誇德恩特和默蒙果勒富昌阿俱中
鎗石陣亡黑龍江防禦富楚那吉林委官八十
六沙爾呼五十五舒隆阿均受石矛各傷官兵

人人憤恨遂由溜草坡過鄭家山梁並尖山子

兩路奮力掩殺殲斃殆盡

臣

德楞泰遂攻克寶

珠寺大卡一座搶占該處山梁臣恒瑞督率總

兵觀祥副將德忠佐領佛爾卿額祿成等帶兵

由東北王家河一帶遶到小鵬寨徑搶雙山子

賊卡正在攻撲之際適臣富成由天池子帶兵

前來兩路夾擊當將青山子賊卡打破次日乘

勝進占雙山子賊卡殲斃賊匪四百餘人餘俱

竄逸統計四路官兵搶占賊卡八座殺賊二千

餘人生擒劉士序等二百餘人當提嚴訊據供
羅其清現住太鵬山寨寺內積有糧食甚多山
寨四門俱極險陡羅其清分令夥黨死守聞有
王廷詔李全亦在寨內羅其清由箕山逃竄時
乘夜令伊弟羅五同頭目蘇應品魏官各帶領
三千餘人先往營山搶城劫糧又令伊堂弟羅
八頭目苟俸如黎兆澂帶一千餘人前往渠縣

一帶堵截運道又令頭目蘇應從魏中孚帶二

千餘人分往儀隴巴州一帶劫奪軍火糧餉聞

得羅其清說能斷官兵糧草使內外受敵自然

不能久駐等語餘無要供當卽概行正法查羅

其清恃衆負嵎狡詐百出亟應趕緊圍攻正在

設法進剿據各路探報馬鞍場柳埡場等處有

賊匪二千餘人往來遊奕阻截巴州儀隴運道

新寺場王家寨一帶亦有賊匪三千餘人截斷

營山來路李家場志林場亦有千餘賊匪滋擾

渠縣糧道各路不通臣等萬分焦灼自應亟爲

疏通庶不受賊匪牽綴除營山一路已有阿穆

勒塔剿辦外臣恒瑞額勒登保卽抽帶官兵前

往儀隴巴州一帶疏通運道剿滅一處再赴渠

縣帶兵趕緊剿辦以冀次第肅清併力會剿羅

其清大股臣惠齡在太鵬寨西北觀紫山一帶

山梁臣富成在東路青山子山梁臣德楞泰在

東南寶珠寺一帶山梁扼要兜圍雖兵力尙覺
不敷惟有殫竭血誠設法趕緊攻剿斷不敢以
山險賊衆稍失機宜奏入

上命軍機大臣傳諭勒保惠齡恒瑞明亮額勒登保
德楞泰曰箕山賊匪負隅拒守惠齡等帶兵攻逼

粵日已入此次雖斃賊二千餘人攻克賊卡仍未

擊獲賊首不足稱功而帶之官員轉致多有傷亡

所辦殊屬不值惠齡等著再傳旨嚴行申飭現在

各賊首俱竄聚一處惠齡等惟當奮力進擊將羅

其清等各賊首速行擒獲而額勒登保德楞泰等

久歷戎行較爲熟習尤應同心併力乘勢會剿肅

清運道以期稍贖前愆其殺賊陣亡之吉林委署

參領巴彥保等俱着咨部加等議卹

八

其

各

以

等

等

欽定剿平三省邪匪方略正編卷八十三

戊午年

十一月初二日

辛酉

宜綿秦承恩奏言川匪前後

兩股分竄城固寧羌境內經

臣

等督率兵勇節

次剿殺逼歸南路茲前股張時青之賊竄至西

鄉大巴關適副將官信叅將張受榮遊擊觀音

保等帶兵趕到搶佔山梁擊斃賊匪四百餘名

潰賊卽翻過大嶺竄回四川通江縣境後股阮

正通之賊竄至西鄉罐子山一帶經同知徐洪

懿知州宋昌琿等督率鄉勇殲賊數十名至百

餘名不等賊匪退走鍾家溝又經王文雄截殺

五百餘名賊衆捨命狂奔亦竄回四川通江兩

河口查兩河口一帶與南鄭邊界相通誠恐賊

匪乘間折回臣等已飛札王文雄卽於南鄭西

鄉適中之地暫行扼要駐劄兼顧兩路杜賊折

竄又據總兵慶溥報稱其人傑龍紹周等兩股賊匪約五千餘人由四川太平邊界竄近西鄉

三花灘該鎮帶領叅將李逢春遊擊槐他哈等

分兵兩路由左右山梁抄繞截擊殲賊三百餘

名生擒胡玉華等十五名署把總張希英撲入

賊隊手刃賊匪三名受傷陣亡現在奮力堵截

等情查三花灘在西鄉東界與石泉紫陽等縣

相近王文雄嚴防西路正在喫緊之際已飛飭
官信徐洪懿宋昌琿等帶領精練兵勇就近馳
往東路幫同堵剿奏入

上命軍機大臣傳諭勒保宜綿秦承恩曰川北賊匪
竄至西鄉經官兵截殺折回通江復有樊人傑等
兩股賊匪竄至西鄉東界白係川北一帶賊勢潰
敗四出奔逃希圖竄入陝境現在王文雄嚴防西

路慶溥等在東路堵剿宜綿等務須督率該提鎮
實力堵截與川省併力夾擊並飭地方官分派兵
勇在漢江一帶嚴密堵禦以防偷渡若再任竄匪
闖入陝境惟宜綿等是問所有打仗陣亡之把總
張希英著咨部加等議卹

初四日

癸亥

勒保奏言查張漢潮一股賊匪前由

溫湯井竄至尖山壩東壩溪等處經

臣

抽撥官

兵截擊詎該匪等均由山僻小路奔逸隨至朱

圈門地方適

臣

所派副將富明阿帶兵趕到將

該匪等迎頭擊退復經叅將吉林泰都司徐朝

綱大寧縣知縣鍾蓮各帶兵勇節次於濫池子

黃草壩馬鎮壩等處分投邀擊斃賊自百餘名

至二三百名不等該匪等輾轉被截未能直竄

楚疆現於牯牛窖一帶山梁屯聚

臣

又分撥兵

勇於巫山大寧邊界兩面嚴防明亮興肇等業

經帶兵由夔州水路徑赴巴東如能繞出賊前

迎擊正可痛加剿洗以免蔓延楚省

臣

白移駐

江口一面佈置攔截張漢潮一股賊匪一面仍

派觀成百祥德英額穆克登阿等分兵攻撲祖

師觀賊寨總因該匪等負隅固險悉力守禦未

能直上而我兵鎗礮所及斃賊極多

臣

惟有儘

此兵力設法攻圍其川北賊匪節據惠齡等知
會自攻克箕山之後所有冉文儔徐添德阮正
澧龍紹周等均已分竄惟羅其清匪衆遁至太
鵬山惠齡卽與額勒登保德楞泰富成等合兵
攻剿內有分竄廣元蒼溪南江一帶者恐其復
竄陝疆已經恒瑞帶兵二千名馳赴廣元相機
攔截惠齡等因羅其清屯聚川北每爲各路賊

匪往來依附是以擬將該匪先事掃犁但刻下

徐添德一股已由達州亭子鋪一路擾至大竹

新寧邊境冉文清一股亦由達州西面闖入東

鄉均無官兵追擊因查冉文儔一股本係惠齡

督兵剿辦徐添德係富成帶兵剿辦現在惠齡

旣以羅其清一股爲重不能分身亦當酌派原

兵跟蹤剿捕是以臣得信後卽星飛知會額勒

登保富成迅帶官兵追剿冉文儔徐添德兩股

賊匪以便各有專責而惠齡與德楞泰亦可專

心剿辦羅其清一股俾免彼此牽綴至於川北

一路兵力除分撥外計惠齡德楞泰尙有官兵

一萬四千餘名合之朱射斗所帶兵勇不下四

千名較之

臣

處實存官兵八千餘名多至倍蓰

正足以資圍剿其林亮功王光祖等股賊匪復

由江北長壽折竄岳池定遠一帶其從前分出

之包正洪一股亦折回廣安節據劉君輔富森

布及廣安州知州阮和岳池縣知縣朱泰茹等

稟報殲斃不下一千六七百人惟賊蹤無定兵

力較單未能十分得手

臣

一俟冷添祿賊匪卽

日掃蕩自當分撥官兵兼籌勦辦奏入

上命軍機大臣傳諭勒保惠齡恒瑞明亮額勒登保

德楞泰曰勒保剿辦祖師觀賊匪日久未能掃蕩

節經降旨嚴飭今據奏到情形仍屬空言殊形遲

緩冷添祿一股困守窮山勒保並不能迅搗賊巢

移師會剿以致各股賊匪分投奔突勒保一路兵

力亦以分而見單似此處處牽掣何日始能竣事

著再傳旨嚴行申飭現在祖師觀賊匪已派觀成

等分路攻撲勒保若再不卽將冷添祿擒獲速赴

川北會兵奮擊以次殲除又任竄匪蔓延滋擾其

罪又何可逭耶至川北賊匪本係惠齡等帶兵剿

辦且吉林黑龍江勁旅皆在伊等一路總未能擒

一賊首而冉文儔等分投竄擾又復不能兼顧所

辦何事亦著傳旨嚴行申飭其冉文儔各股竄匪

現經額勒登保恒瑞等分路截剿張漢潮一股有

將領帶兵迎擊而明亮等亦由巴東繞截此等潰

竄餘匪何難迅就殲除乃任其輾轉奔逃迄未能
肅清一路恒瑞明亮額勒登保等均屬無能已極
俱著傳旨嚴行申飭

初八日

丁卯

景安奏言

臣

因張漢潮一股賊匪業

經截回又聞寧羌賊匪已竄西鄉竹谿邊界正
在帶兵由房縣馳往茲於二十七日接准陝省
來信並據探報川省竄匪一股自九陣壩竄至

星子山可達紫陽石阜梅湖一帶又李樹樊人
傑龍紹周等股匪亦由九元子竄入平洛壩勢

將與前股合夥又觀音堂絲溪河一帶亦有賊

匪屯聚該處東達鞍子溝東北由瓦房店可達

紫陽誠恐分股亂竄東趨入楚等語

臣

查紫陽

東竄卽可由平利直達竹谿若竄向東北卽可

由洵陽白河進逼竹山且沿江一帶亦關緊要

賊股不一分竄無定在在均須嚴防竹谿西南

兩面陝楚接壤尤爲八楚門戶臣與總兵路超

吉各帶官兵分要堵截沿江一帶已飛札署將

軍成德總兵田永桐等並楚豫文武員弁實力

防守惟竹山北路雖亦派撥文武員弁帶領兵

勇嚴防但該處山勢散漫無險可據必須量添

兵力派令幹將前往方可得力楚省官兵除出

征川省外現存之兵因地方遼濶既不敷處處分

設自應酌量緩急隨時移調以資堵剿查南路

巴東一隅現有兵勇八千餘名之多且張漢潮

一股賊匪所剩無幾又有明亮等帶兵兜剿自

可無虞折回現在北路緊要臣當卽飛札總兵

王凱帶兵一千名星夜兼程前來竹山協力嚴

防俟將此三股賊匪截回或殲滅後仍令回南

路防堵此時巴東尙有兵二千餘名健勇五千
餘名足敷堵禦尙有不敷已囑高杞酌添鄉勇
用資嚴密奏入

上命軍機大臣傳諭勒保惠齡景安恒瑞明亮額勒
登保德楞泰曰竹谿等處賊匪係由箕山竄往總
因惠齡等不能將首逆速擒致各股餘匪復又乘
虛奔突而恒瑞明亮等帶兵分投追剿亦不能設

法繞截任其來往自如無能已極惠齡恒瑞明亮
等俱著傳旨嚴行申飭現在陝楚邊境均已派兵
防堵若再不趁賊匪窮竄之時併力截擊速擒賊
首又任蔓延滋擾伊等自思當得何罪現已十一
月中旬朕盼望捷音日深日切而各路剿辦賊匪
迄未肅清一股似此輾轉遷延倘尙不知愧懼同
心合力于年內依限辦竣則是天良漸盡罪不可

追各宜凜慎毋仍前泄泄也

二十二日

辛未

明亮與肇奏言查張漢潮籍隸襄陽

蓄意奔竄楚境

臣

等同撫臣高杞兩路截擊殲

戮甚多該匪畏懼折竄隨囑高杞將所設營卡

酌量添增仍前防堵

臣

等遂帶兵前進探得張

漢潮仍向木瓜溪龍泉寺亡命南奔有時分爲

兩三股有時仍合在一處盤繞萬山重疊之中

往來人跡罕經之地希圖牽綴官兵乘間逃生

臣等漏夜緊躡不留一刻餘暇沿途斬戮及投

河自縊賊人日有三五名十數名不等賊勢較

前尤爲窮蹙十九日早探得該匪合爲一隊向

大昌前竄火石嶺屯紮臣等加緊疾行二十日

四更起營甫至黎明官兵已抵大昌正遇該匪

在彼掠食臣明亮督率愛星阿長春游擊游棟

雲守備王成傑等帶領馬隊直撲火石嶺山梁

臣

興肇督率木騰額副將多爾濟扎普游擊應

元寬等帶領步隊由火石嶺山腰衝進該匪倚

恃山高路險持矛林立施放鎗礮

臣

明亮催令

馬隊向上直撲賊匪膽敢衝壓二次官兵一往

無前該匪抵敵不住竄上山嶺又經

臣

興肇木

騰額從山腰衝出上撲下壓斃賊二百餘名奪

獲帥旗一桿生擒執旗頭人朱彩章等三十五
名自辰至酉乘勢長驅追擊五十餘里沿途復
擒殺男婦百餘名該匪向龍溪河由密林遁逃
訊據朱彩章等供稱張漢潮前在羅溪壩被官
兵追擊不能回楚向衆人痛哭思要自縊大家
勸說還可繞大寧太平山內逃往湖北陝西邊
境等語餘無要供當將該犯等立行臠割飛卹

督兵前進爲一鼓殲擒之舉

同日景安奏言臣正在督率操練嚴防邊界茲

於本月初三日接據陝省來信川匪兩股分竄
寧羌城固多方堵截均已折回通江之兩河口
其闖入西鄉兩股亦經兵勇擊退殺斃數百名
該匪先後由田壩河一帶折回太平地方現在
西鄉餘匪一股在九陣壩一帶官兵分投剿堵

旬日之內亦可驅除等語臣查各股賊匪既經

陝省截回不能向東北奔竄難保不由開寧南

窺巴東臣當卽飛飭總兵王凱且不必帶兵前

來竹山仍督率將備會同高杞嚴密防守巴東

再查防江一事江岸綿長必須視賊趨向隨時

相機帶兵往來移防署將軍成德年逾七旬究

於馳騁不便該將軍久歷戎行防堵事宜素所

諸悉是以飛咨馳赴巴東會同督防至漢江一
帶現有豫省總兵田永桐道員陳鍾琛並臣派
道員恒慶叅將朱廷荃游擊周龍章添兵一千
名協同防守自可無虞均奏入

上命軍機大臣傳諭勒保惠齡景安恒瑞明亮額勒
登保德楞泰曰張漢潮一股竄匪明亮等帶兵追
剿爲日已久仍任輾轉奔突殊屬無能著再傳旨

嚴行申飭此時該逆不能竄回湖北勢已窮蹙勒

保務須飭令派出帶兵之員認真在前攔截與明

亮等兩面夾擊庶可一鼓成擒又紫陽西鄉一帶

竄匪俱被陝省截回此股賊匪業經勒保知會額

勒登保等帶兵追剿正可迎頭截擊何以日久亦

未拏獲首逆均屬遲緩額勒登保等亦著嚴行申

飭勒保惠齡等若不乘此時同心併力速拏賊首

將川東川北以次肅清依期完竣而於節次飭催
諭旨亦竟聽之藐藐則是伊等甘蹈重愆尙望曲
爲保全耶

十四日

癸酉

惠齡恒瑞富成額勒登保德楞泰奏

言竊

臣

惠齡等前將罐子山等八處賊卡攻克

因羅其清分遣駁黨於營渠巴儀一帶希冀斷

我糧運

臣

恒瑞額勒登保當卽帶兵前往義巴

等處截剿先於王家寨遇賊我兵奮力進擊殲

賊多人乃另有一股從王家寨山後潛來抄在

官兵之後臣額勒登保督率迎剿斃賊二百餘

人游擊靳文銓馳馬衝入賊中連射數賊中鎗

陣亡嗣又率兵於羅家壩抄擊賊匪正在擄掠

一見官兵四路奔逃適臣恒瑞於羅家壩之左

擊賊前來併力夾擊賊之滾崖跌斃及殲殺者

三百餘人遂酌留官兵一面搜剿餘孽並於要

隘處所堵截其糧石軍火甫得於儀隴營山兩

處運到以資接濟臣恒瑞額勒登保仍卽帶兵

回至罐子山與臣惠齡等公同籌酌查羅其清

等竊據太鵬寨恃險負隅又復分出賊衆滋擾

內外勾連狡詭已極若不將太鵬寨攻克速獲

羅其清餘匪出沒無常轉致被其牽綴察看太

鵬寨共有四門均築木城外有石牆牆外山路
陡窄仰攻不易惟南門一面鯉魚嘴地勢稍寬
其西門一面向爲賊人出入之徑有河一道俱

係涉淺而渡先經

臣

惠齡派委縣丞張世維紮

壩蓄水現已深至丈餘可遏賊人竄路自應先

攻南門其各門亦卽分佈官兵牽綴賊勢

臣

額

勒登保德楞泰督同綸布春阿哈保賽冲阿温

春達三泰德寧等帶兵進撲南門臣惠齡恒瑞

富成帶兵分赴東西北三面互相聲援臣惠齡

督率總兵李紹祖副將關聯陞副將銜穆克登

布等帶領官兵從罐子山下溝繞道前進行抵

河邊見對河有賊三四百人阻截渡口當用大

礮轟擊斃賊一百餘人賊匪驚潰卽派穆克登

布帶兵從壩上過河追擊又殺斃一百餘人並

派關聯陞帶兵在該處埋伏以便遇賊掩擊

臣

富成由青子山一路率同總兵觀祥副將扎勒

杭阿叅將郭承緒等帶領兵勇攻剿東門該匪

等竟敢分股前來捨死抗拒郭承緒及藍翎長

富德守備馬昌傑均經受傷官兵人人切齒刀

砍矛戳斃賊二百餘人餘俱竄回寨內

臣

恒瑞

督率總兵朱射斗副將德忠等帶兵攻打北門

當將北門外一帶賊棚焚燒殺賊一百餘人賊

匪俱入寨門抵死拒守時臣額勒登保德楞泰

帶兵由寶珠寺山梁躡路前進甫抵鯉魚嘴距

賊寨南門不遠僅有陡路一線依山爲門上又

疊石砌蓋臣等督兵一齊進發寨內賊匪率衆

放鎗抵拒官兵鼓勇向前亦用鎗礮轟擊當有

吉林委叅領扎克丹保委官科卜通武首先馳

擊箭斃賊匪二名賊人羣聚用矛撲拒該叅領
等直前手刃賊匪四名賊人復從寨上用鎗打
下科卜通武中鎗陣六孔克丹保亦受鎗傷兵
勇憤恨競進立將該卡草棚焚燒殺賊三百餘
名生擒易大輝等二十一名餘賊向寨退奔我
兵趕追前進又殺賊二百餘名該匪卽將寨門
緊閉尙餘賊二百餘人不能入寨關聯陞伏兵

忽起截殺將各賊殲盡賊匪在寨用鎗礮下擊
我兵直逼寨門都司馬應國李東山帶領兵勇
等連拋火彈數次賊人用水澆熄千總汪雲張
應貴又用鐵撬拆其寨門被賊匪矢石飛擊千
總會壽屯守備阿庫魯均受有傷我兵仍用大
礮轟打兩日夜寨樓均各損壞賊匪堅守卡門
其被礮打斃者亦約有二百餘名當提易大輝

等嚴訊據供羅其清因太鵬山寨險峻有現成
石牆木柵派人日日添修堅固四門均安大礮
二位各設搆石防守聽說此寨勝於箕山官兵
一時斷不能攻破倘攻打緊急西門一路有河
阻隔即可乘隙逃竄等語餘無要供當卽概行
正法_臣等恐羅其清情急奔逃或由西門竄逸
自應於河邊分拏營卡以防偷渡當將雙山子

各兵挪撤卽於河邊安卡臣富成所紮青山子

營盤移至雙山子一帶駐紮設羅其清連夜逃

遁則旣可帶兵掩擊且有河邊各卡儘可截擒

設該匪仍然拒守卽於西門一面併力進攻察

探賊情公然恃衆據險並遣夥匪五百餘人潛

至河邊樹林以爲埋伏拒守之計臣等復卽分

兵三路進撲西門臣德楞泰仍帶兵攻打南門

臣恒瑞富成俱於東北兩路率兵牽綴臣惠齡

督兵從正路前進臣額勒登保帶兵由左手抄

上並令綸布春阿哈保等從右手潛上先將樹

林埋伏賊匪殲殺淨盡臣惠齡帶兵搶上三節

梁見有賊卡當卽鼓勵將士奮力攻撲賊匪攢

集三四百人迎拒當有叅將增德帶同外委張

占鰲楊如彪拋擲火彈卽將賊棚焚燒賊匪慌

亂適臣額勒登保帶兵由左手抄上合兵掩殺

斃賊二百餘人生擒熊一亨等十四人乘勢直

逼西門詎賊匪施放滾木擗石抵拒益力增德

張占鰲俱中鎗陣亡楊如彪受傷我兵連撲十

餘次又斃賊三百餘人因自下仰攻未能得手

隨將三節梁佔住紫營時臣德楞泰進攻南門

殺賊二百餘人亦將鯉魚嘴山包搶佔安設營

卡直逼寨門已與西面三節梁聲勢聯絡臣等

此次叠經攻剿未能搗破賊巢擒拏首逆實屬
愧恨焦急惟現已進逼寨門斷其採樵之道臣

等再行策勵兵勇趕緊相機剿辦一俟兵力可

分臣恒瑞卽帶兵馳往寧羌一帶堵剿

惠齡又奏言臣欽奉

上諭以王三槐供出羅其清等亦有投順之語飭令

察看賊情密爲酌辦等因此時羅其清股匪竄踞
太鵬山寨恃險負嵎並敢預遣夥匪分擾營渠

巴儀運道奸狡百出恒瑞額勒登保帶兵赴巴

儀一帶業將運道疏通仍回原營會剿連日設
法進攻該匪仍抵死抗拒且曾於打仗時仰體

皇上網開一面之仁明白曉諭許以投出免死乃該

匪等怙惡不悛竟無悔罪之意臣惟有一意攻

剿務在迅縛元兇掃除餘黨斷不敢稍事姑容
卽賊匪當萬分窮蹙之時果肯棄械投誠亦必
察其真偽相機辦理此時自當不遺餘力趕緊
攻圍以期迅勉蕝事

同日宜綿秦承恩奏言賊匪樊人傑龍紹周等
竄近西鄉三花灘經總兵慶溥奮力截剿殲斃
甚多賊匪已退出邊境忽又有數股賊匪李樹

劉二掌櫃唐明萬唐大信龔建等約一萬數千

人由西鄉井泉子竄入頂甲山羅家溝一帶慶

溥卽挑帶奮勇兵一千二百名前往堵禦樊人

傑龍紹周等又復乘間竄入與各股賊匪分爲

數路將官兵四面圍繞慶溥督率叅將李逢春

遊擊葉炳銓等帶領弁兵分投抵禦排列鎗礮

連環轟打擊斃賊匪無數賊恃人衆抵死不退

葉炳銓奮勇衝殺受傷陣亡慶溥身先士卒攻

打益力守備楊雲霄楊伏國亦受重傷猶俱奮

勇殺賊同知徐洪懿督率鄉勇隨同官兵分路

抄擊接仗兩日又殲賊一千餘人適臣等與王

文雄趕往策應賊卽退紮荒田嘴一帶山梁連

日大霧迷漫臣等惟恐賊匪乘間北竄當將官

兵分布聯絡扼住要路賊遂翻山向東奔逸忽

另據探報又有一股賊匪由通江老林內竄至
城固天明寺連夜於長灘地方躡淺過江該處
守江鄉勇見是夜霧氣甚大在北岸灘口施放

鎗礮虛張聲勢密撥矛手分佈灘口上下隱藏
竹林乘賊匪撲近江岸鄉勇一擁齊出截殺甚
多餘衆向北山一帶竄逸等情伏思此次各股

賊匪同時闖入人數衆多後路並無跟蹤追剿

之兵就臣等現有兵力剿辦西鄉南路之賊已

屬不敷且深聞川省太平通江廣元等處尙有

餘匪屯聚亦須急籌備禦但北路處處空虛關

係甚重不得不分兵兼顧隨悉心酌議臣宜綿

飛派總兵關騰帶兵由石泉繞至鎮安一帶以

防賊竄東北臣秦承恩卽抽帶兵七百名並挑

帶精練鄉勇馳回漢中由西北一路探蹤截剿

以期兩路抄截盡數殲除現聞恒瑞額勒登保
在儀隴巴州一帶疏通糧路臣等已飛札知會
令其酌量情形帶兵來陝會剿

宜綿秦承恩又奏言本年五月部撥餉銀二百
萬兩內除扣還山西銀二十萬兩解還四川銀
五十萬兩實存餉銀一百三十萬兩半年以來
凡遇動用無不覈實樽節惟因節次大兵入境

供支糧餉軍火需用浩繁迨大兵入川仍係陝
省暫爲代運程站日遠費用更多兼之給發各
路兵勇鹽糧口食購買軍糧撫恤難民辦理已
形支絀現在川匪各股分竄陝境大兵接續而
至應用糧餉更須急爲儲備查陝省應徵本年
地丁錢糧西安一府仰蒙

聖恩輪免七十餘萬兩其餘各屬多有蠲緩徵收無

幾現在司庫存銀實屬不敷支放應請撥銀三百萬兩解陝接濟均奏入

上命軍機大臣傳諭勒保惠齡宜綿恒瑞明亮額勒登保德楞泰日惠齡等在川北剿賊爲日已久此次旣將太鵬寨四面圈圍乃僅殺賊二千餘名仍未擒獲首逆猶以賊匪恃險抗拒仰攻不能得力爲辭藉以掩飾遲延之咎實屬無能惠齡等著再

傳旨嚴行申飭現在官兵進逼賊寨斷其樵採之

路賊勢已極窮蹙惠齡等若不乘此時奮力進攻

將羅其清等速行拏獲復任餘匪分竄滋擾伊等

自思當得何罪所有殺賊陣亡之叅將增德遊擊

靳文銓外委張占鰲委官科卜通武俱著咨部加

等議卹至宜綿等截剿各股竄匪亦由惠齡等不

能將首逆擒獲致令乘虛奔突現經宜綿秦承恩

等帶兵由西北一路探蹤截擊並知會恒瑞等酌
量分兵會剿務須併力夾擊乘勢殲擒毋得稍有
疎懈致令竄入陝境其殺賊陣亡之遊擊葉炳銓
著咨部加等議卹至宜綿等懇請撥銀一節已明
降諭旨矣但國家經費有常豈能應無厭之請伊
等自剿辦賊匪以來業經兩載有餘前後請餉不
下數千萬兩似此坐糜帑餉而軍務尙無告竣之

期日復一日伊於何底若再不知撙節恃有部帑
可撥任意開銷則伊等各有所身家豈不自知顧惜
耶

上諭內閣曰宜綿等奏請撥陝省軍需餉銀著於部
庫撥銀二百萬兩照例迅速解往

禮部通志卷之四十四

上諭曰朕聞近日以來各省督撫官員多有貪婪受賄之弊

爾等宜加意查察如有貪婪受賄者一經查出定行嚴懲不貸

回籍官員如有貪婪受賄者一經查出定行嚴懲不貸

其日後如有貪婪受賄者一經查出定行嚴懲不貸

欽定剿平三省邪匪方略正編卷八十四

戊午年

十一月十八日

丁丑

明亮與肇奏言查張漢潮一

股賊匪連被官兵跟蹤擊殺人數日減向龍溪

河渡口埡等處漏夜奔竄並未稍停

臣

明亮等

乘勝長驅緊躡窮追日馳一百數十里沿途多

有擒殺二十七日追至黃荆壩地方探得張漢

潮前竄留二百餘人在後藏匿箐林希圖乘間

衝出擋住官兵自爲逃脫之計臣等隨卽整備

於二十八日四鼓發兵臣明亮督率愛星阿多

爾濟扎普游棟雲等帶領馬隊由平壩進發臣

興肇督率長春遊擊應元寬等帶領步隊由山

梁暗伏甫至黎明臣明亮帶兵馳至山間兩傍

樹本叢雜該匪一湧衝出經官兵前後兜圍殲

戮矛手百餘人生擒張其昌等十七人餘匪翻

山欲遁復經臣與肇督率官兵悉數擒殺訊據

張其昌等供稱張漢潮被官兵截回連次追殺

緊急想要自縊經衆勸解欲往陝西可以逃生

昨晚商量派我等帶二百五十名矛手藏在樹

林攔擋官兵使張漢潮向前逸去聽說有三兩

股同教人來倘得合夥再作計議餘無要供當

將該犯等臠割臣等迅卽帶兵前進二十九日

晚趕抵石塘壩聞張漢潮業已竄過遙見兩邊山脚火光接天適據探報有另股賊匪千餘人

前來與張漢潮併合臣明亮飛卽帶兵將前路

山口扼住不使該匪衝越合夥臣興肇分兵迎

擊該匪總思前竄左衝右突經官兵奮勇擊殺

當殲二百餘人生擒唐冠賢等五十一名奪獲

鎗礮器械旗幟無數餘匪向龔家壩逃竄據唐

冠賢等供稱此股賊匪係龔建王開聰張明高等帶領千餘人在冉文儔賊營昨自東鄉分出

不料被官兵截住殺戮甚多張明高帶箭前逃餘都向龔家壩逸去當將從賊打仗者俱行正法其餘被擄未久婦女幼童均卽省釋

臣等督

兵前進初二三等日晝夜倍道追奔至鐵溪河錢家坪等處復遇一股賊匪約二千餘人自

罐子山折回向竹峪關奔竄臣等分兵追捕竭

力兜圍擊殺百餘人生擒徐盛發等八十三名

老幼男婦一百九十二名口餘匪翻老林南奔

訊據賊供此股賊匪係樊人傑龍紹周唐大信

等帶領二千餘人自罐子山被官兵打回想仍

回四川今日遇官兵打散多翻老林南去各自

逃生等語卽將該犯等分別辦理尙有兩股賊

匪已向鞍子溝簡池壩地方奔去臣等萬分焦

灼所帶官兵除傷病留養外現存兵二千餘名

不敷分擊查張漢潮率領敗殘餘孽已向司渡

河潛逃距臣等四五日路程今時屆冬令江水

淺涸一面飛咨宜綿秦承恩王文雄將沿江一

帶嚴密防堵臣等趕緊前進惟有策勵官兵上

緊兜擊以冀速擒首逆稍贖前愆奏入

上命軍機大臣傳諭勒保惠齡恒瑞富成明亮額勒

登保德楞泰曰張漢潮一股賊匪屢被官兵擊敗

人數日減明亮等帶兵追剿惟知尾追以致賊匪

又復奔竄首逆迄未成擒現在龔建樊人傑等各

股賊匪紛紛四逸沿途阻我官兵雖尙未與張漢

潮等合夥而各股之賊俱已逼近陝境張漢潮又

向司渡河潛逃距漢江不遠明亮等遲延玩愒之

咎實屬百喙難辭摺內尙鋪張戰功虛增斬獲之
數尤爲無耻著再傳旨嚴行申飭前據宜綿秦承
恩奏已帶兵由西北一路探蹤迎擊並知會恒瑞
等分兵會剿是陝境一帶地方不患無兵堵截明
亮等務須乘該匪等窮竄之時上緊追剿與陝省
官兵會合夾擊若再仍前怠玩又令賊匪偷渡漢
江伊等自思當得何罪耶至勒保剿辦冷添祿一

集三才圖會卷之四
五

股惠齡等剿辦羅其清一股此兩處均係困守之
賊攻圍日久賊勢益孤且勁兵皆在伊等兩路尤
應速行掃蕩生擒渠魁乃伊等節次奏報情形總
爲賊匪牽掣不能移師他路而各股分竄之賊復
不能派兵攔截所辦何事勒保惠齡等俱著傳旨
嚴行申飭

二十日巳卯 惠齡恒瑞富成額勒登保德楞泰奏

言^臣等前將運道疏通後合兵圍剿太鵬山寨

當已逐層進逼連夜分路進攻叠次殺賊一千

餘人該匪等捨命抗拒憑高施放鎗石我兵自

下仰攻且道路均被挖斷未能得手而該匪等

狡詐百出其滋擾運道賊匪于十一月初二三

兩夜連撲山東貴州官兵營卡希冀送糧入寨

俱經^臣等督兵擊退斬獲頗多詎初五日復從

溝底潛來直撲廣西官兵營卡而寨上賊匪亦

率衆下山接應竟有內應外合之勢經臣額勒

登保帶兵從西面截殺臣德楞泰帶兵從南面

截殺當將外來賊匪擊退殺斃三百餘人拋棄

器械米麵甚多臣惠齡帶兵接剿寨內接應之

賊殺斃一百餘人賊匪不能會合均各折竄臣

等查賊寨四門坡坎陡險屢次仰攻徒傷兵力

正可趁賊匪圖竄之機暗籌截剿竊料內外賊
匪黑夜偷營是其長技當飭各營卡預爲防範
並分遣官兵四圍埋伏俟外賊撲營卽行迎殺
設內賊出寨我兵卽乘勢搶撲寨門以爲掃犁
之計初七日傍晚大雨如注三鼓時有外來賊
匪約四五千入從北面直撲總兵朱射斗營卡
我兵早有準備當卽施放鎗礮賊匪抗拒不退

寨上賊匪從東門偷出約四千餘人衝下山坡

前往接應時臣德楞泰督同賽冲阿温春阿穆

勒塔德寧馬瑜等帶兵潛至賊寨南門四布雲

梯從小路迤邐而上奮力搶撲該匪等猝不及

防我兵拋擲火彈該匪守門者驚潰當將南門

打破官兵一湧而入時火彈延燒賊人草棚茅

屋頃刻烟焰衝突賊匪慌亂官兵刀砍矛戮殲

斃賊匪及滾崖者二千餘人寨內遺存馬騾帳

房甚多首先入寨者有遊擊李應貴都司馬應

國千總吳宗明均極奮勇吳宗明身受矛傷陣

亡臣惠齡額勒登保督率綸布春阿哈保楊遇

春關聯陞穆克登布等帶兵襲破西門賊人擲

石放鎗抵死抗拒我兵鎗箭並發斃賊四百餘

人賊人潰散我兵從後掩殺又斃賊三百餘人

臣惠齡額勒登保德楞泰分路剿捕又殲斃二

千餘人其滾崖落坎者又有五六百人至東北

兩門經

臣

恒瑞富成分投督兵截剿均各殲斃

二三百人前來會合當將太鵬山寨剿洗無遺

計此次攻克賊寨殺賊男婦五千餘人生擒鄧

朝陽等四百餘人奪獲騾馬四百餘匹賊礮十

四位鳥鎗一百三十一桿米麵鍋帳無數當提

鄧朝陽等研訊據供羅其清被困情急久欲逃
竄原候外面夥匪接應今夜二更時羅其清令
我等把守四門他帶頭目苟彬等四千餘人說
要乘雨衝撲官兵營卡先從東門下寨後來聞
得鎗礮之聲想是外面救應前來不防官兵就
來攻破寨子羅其清父親羅從國把守西門我
等見伊已被官兵打死餘無要供當將該犯等

概行正法臣等一百酌留官兵搜剿餘匪隨即

帶兵下寨截殺竄匪時已黎明經朱射斗帶領

官兵兩面夾攻該匪等竄伏溝底者尚有七八

百人悉行殲戮生擒楊正富等男婦三百餘人

訊據供稱羅其清于二鼓時帶我等四千餘人

下寨伏于坡側後聞官兵營裡施放鎗礮知是

外面夥匪劫營羅其清派頭目苟彬帶我等八

百人前去接應他帶三千餘人由東北溝內小

道逃去苟彬現被拏獲等語隨提苟彬嚴訊該

犯帶傷甚重不能言語當卽變割並將楊正富

等卽行正法臣等查羅其清尙有餘黨數千屯

踞青觀山一帶自必前往合併爲苟延殘喘之

計臣額勒登保德楞泰當卽帶同賽冲阿阿哈

保溫春綸布春帶兵分路躡蹤追剿至七十餘

里見有賊匪五六百人冒雨狂奔當即截殺三

百餘人賊匪捨命紛逃臣等會同商議自應趁

賊匪窮蹙乘此雨夜趕緊進剿不使稍暇一面

躡探蹤跡一百分帶官兵前往掩捕務期迅擒

元惡掃蕩餘氛至臣恒瑞原擬帶兵二千餘名

赴陝今臣惠齡又將固原兵一千餘名交鎮臣

觀祥帶往隨臣恒瑞會同宜綿秦承恩截剿北

竄賊匪片富成前因攻剿太鵬寨賊巢正在吃

緊是以留此協攻今太鵬寨已破臣亦卽帶兵

前往大竹一帶剿辦徐添德一股臣惠齡額勒

登保德楞泰剿滅此股賊匪探係何路緊要卽

往何路剿辦以期逐股殲除再昨接勒保來咨

飭調總兵達三泰前赴川東軍營已經轉飭前

往

同日景安奏言初十日接准宜綿等來信賊匪
一股約三千餘人由通江乘霧翻山竄過城固
天明寺連夜奔至長灘踰淺渡江經守江兵勇
截殺多人奈賊勢甚衆拚命衝過現已竄至城
固北山文川一帶等語臣查城固以東距楚省
江北之鄖西不遠自應預爲籌備當卽飛飭現
在鄖西一帶防堵之文武各員率同兵勇嚴加

防堵外惟江北兵力稍單而江之南岸竹谿竹
山又與川陝接壤現在陝省西鄉川省太平大
寧尙有數股賊匪奔竄無定則竹谿竹山正在

緊要

臣

萬難遽赴江北前因北路緊要已令總

兵王凱抽調官兵一千名以備策應茲復飛催
該鎮帶兵迅速前往鄖西一帶率同文武各員
合力堵截至南路巴東離賊尙遠且彼處已早

籌備兵勇七八千名之多又有高杞在彼率同
文武嚴防且署將軍成德現已前往協防自可
無慮均奏入

上命軍機大臣傳諭勒保惠齡宜綿景安恒瑞富成
明亮額勒登保德楞泰日惠齡等在川北剿賊爲
日已久此次冒雨進攻將太鵬山賊寨攻克並鎗
斃羅其清之父羅從國殲戮多名所辦差強人意

但首逆羅其清仍任其乘閒脫逃未能卽時擒獲
不足爲功現在羅其清黨與剷除大半勢已十分
窮蹙惠齡等若能趁賊匪潰敗之餘奮力兜擊速
擒首逆辦完此股再將他股以次肅清尚可將功
折罪其打仗陣亡之千總吳宗明著咨部加等議
卹又昨據宜綿等奏派令總兵關騰帶兵由石泉
繞至鎮安一帶截賊東竄之路並知會恒瑞等分

兵會剿今景安又派總兵王凱前赴江北鄭西一帶嚴防是陝楚地方俱有官兵堵截現據惠齡等奏令觀祥帶固原兵一千餘名赴陝隨同恒瑞等會剿富成又帶兵前赴大竹一帶剿辦徐添德一股恒瑞富成等務須上緊追剿與陝楚官兵會合夾擊速擒首逆毋任賊匪乘間竄逸此爲最要

二十二日

辛巳

勒保奏言

臣

前因張漢潮一股向

東奔竄恐與祖師觀賊匪勾合而江口爲軍營
東北緊要後路是以暫行移師策應仍就近督

率鎮將等進攻祖師觀賊卡嗣張漢潮匪衆於

川楚交界經官兵截回仍向太平通江一帶折

竄明亮與肇帶兵追擊前進臣因相距較遠一

面飛飭駐劄太平之原任總兵楊秀及通江縣
知縣徐廷鈺等分帶兵勇相機堵截一面回赴

安樂坪攻剿冷添祿一股連日督率觀成百祥
德英額穆克登阿等分路環攻斃賊多名惟地
勢實在陡險僅容一二人魚貫可上而該匪等
施放鎗石抵死抗拒官兵不能一湧並進復于
夜間連派兵勇攀藤附葛直逼寨門拋擲火彈
燒燬茅棚無數賊匪極形惶懼初一日忽有賊
匪下山向穆克登阿營盤乞降聲稱冷添祿等

因近日官兵攻打愈緊自知悔罪情願投順

臣

明知其不足信隨傳令各卡晝夜設伏嚴防乃
該匪等果于初三日二更乘霧而下約有數百
人先撲穆克登阿營盤官兵早有準備奮勇當
先而方家壩魚鱗口兩路伏兵齊發賊匪遂卽
退回我兵乘勢追殺斃賊二百餘名生擒陝清
仁等四十八名訊據供稱冷添祿等商議因寨

上糴食無多鹽又缺乏且官兵近日攻撲緊急
莫如假作投降使官兵不及隄防可以衝路逃
命不料當被官兵截殺所以大衆祇得退回等
語餘無要供當卽一一梟示至蘭芽場剿散餘

匪尙有六七百人在貓兒寨屯踞先經臣派令

叅將稽大榮胡尙賢等帶兵圍剿賊匪守禦甚

堅臣又撥發大礮前往實力轟擊先將賊寨頭

卡轟塌兵勇乘勝而上與賊匪相持竟日斃賊

甚多餘匪情急卽乘夜由後山滾巖竄遁該叅

將同千總桂涵等星夜窮追至東鄉開縣連界

之三寶山地方該匪等見勢難遠遁竄入深林

藏匿兵勇分路趕到立時搜殺無遺生擒彭從

得等五十八名割獲首級一百五十餘顆訊悉

此股賊匪係謝萬貴爲首糾衆搶掠現在謝萬

貴已經殲斃當將割獲首級指認屬實隨將該

犯等分別正法並無一名漏網

臣

查貓兒寨距

祖師觀六十餘里係往開縣後路今幸全數廓

清惟祖師觀一股賊匪負嵎守險未能即日殲

除惟有策勵兵勇尅日掃犁仰慰

聖心厘注此次攻剿祖師觀賊寨遊擊李光晟千總

黎炳均受鎗傷把總呂尙玉陣亡貓兒寨一路

打仗守備馬建廷外委周坦均經受傷其餘傷
亡兵勇另行查門咨部

勒保又奏言查林亮功王光祖等股賊匪前經
劉君輔富森布及廣安岳池等處地方官兵分
投截剿匪衆復分路狂奔內有張映祥一股卽
係林亮功夥匪從岳池縣屬迴龍場闌入南充
地方經該縣曾自栢激勵團勇節次截殺殲戮

甚多其大夥匪衆復出江北長壽一路竄至涪

州攻撲箐口一帶經該州李培峒等督率團勇

分投堵剿殲斃執旗賊目二名賊匪三百餘名

生擒王興中等二十八名又經劉君輔富森布

帶兵追至酆都縣屬實稻場永興場並忠州之

任家場等處節次接仗斃賊自一二百名及三

四百名不等先後生擒龔國才龍萬鑑周文義

等四十五名該匪等捨命奔逃畧忠州牧同知
王垂重帶領鄉勇在齊家河一帶將賊匪截爲

兩段斃賊五百餘名隨追至胡家壩地方該匪
等情急圖脫悉力抵禦以致該牧受傷陣亡現
在該匪等分屯於忠州酆都交界之三會場及

萬縣之三正舖臣已飛飭劉君輔富森布趕緊

督兵剿洗並令附近地方官各撥兵勇一律嚴

防以免滋蔓至劉君輔等一路官兵在實稻場
等處打仗據報把總楊國名外委保廷棟朱玉
貴均因受傷陣亡

同日宜綿奏言川省各股賊匪同時闖入西鄉
人數衆多並無官兵追躡總兵慶溥督同叅將
李逢春槐他哈遊擊洪德都司雙喜張世儒守
備楊雲霄等帶兵一千餘名分投截擊連戰數

晝夜殺賊一千餘名臣查東面係紫陽一帶

隘賊若衝過紫陽卽可由沿河平利直趨湖北

或折入商雒而出河南前月二十三日有賊二

千餘人從西鄉觀音碛竄至紫陽麻黃埡經候

補副將德亮率守備羅玉等帶兵二百名奮力

抵敵自辰至午殺斃執旗賊目一名賊匪一百

餘名該匪始行返回雖將卡隘保護無虞而德

亮因左乳中礮陣亡外委梁伏吳吉魁亦中鎗

身故賊匪大隊先後均向紫陽衝撲恐柯藩兵

勇尙單不敷堵禦臣遂率慶溥等馳赴紫陽邊

隘督同剿辦初四日賊匪撲麻柳壩知縣蔣志

坦督率鄉勇在山梁上轟擊賊不敢過竄回川

境太平縣屬之田壩河初五日一股賊匪撲二

州壩營卡遊擊額爾畢濟呼同守備德春督領

兵丁施放鎗石擊殺甚多賊匪退走又追殺八十餘名生擒十一名次日復來撲營額爾畢濟呼等正在抵禦適柯藩派叅將海洪阿帶兵來援內外夾擊殺賊四百餘名生擒十七名賊卽竄回田壩河其餘各股分投亂竄各撲卡隘柯藩在瓦房店道員溫承惠在馬頭嶺知府周光裕在盤廂河知縣蔣志坦黃靖圖金思義主簿

韓穀庭在麻柳壩鞍子溝權河等處均各督領

兵勇竭力擊退初七日賊匪復聚三千餘人攻

撲土地嶺守備張齡霞督兵放鎗拋石賊不能

進次日又分爲兩股前後圍攻義首金鳳帶鄉

勇二千餘名赴援奮力夾攻斃賊五百餘名賊

匪折回兵勇追殺又斃男婦大小五百餘名口

餘匪遂翻西鄉之鹿池山竄入太平初九日大

股賊匪李樹樊人傑阮正澂等四千餘人蜂擁
至二州垣連撲營卡三次俱經額爾畢濟呼德

春督兵擊退賊匪仍敢四面圍困義首何宇年

王明宣等各帶鄉勇分赴南北山梁擲放鎗石

臣

與慶溥之兵亦自溝中衝出賊匪退走額爾

畢濟呼等在內殺出斃賊八百餘名滾崖死者

無數生擒七十餘名賊匪遂向川省田壩河與

前數股會合竄入大竹河雞公灘等處距紫陽
邊界一百餘里距江岸三百餘里臣竊計前據

探報通江另股賊匪由長灘地方躡淺而渡秦

承恩抽帶兵丁馳回漢中由西北一路截剿王

文雄亦自茶鎮北渡臣又飛派總兵關騰由石

泉至五郎鎮安防其東竄但兵力尙單北面道

路紛歧恐未能迅速蕝事西鄉紫陽各股賊匪

雖經慶溥及各員弁等截殺出境尙在沿邊百餘里之內難保其不再來窺伺

臣

隨嚴飭柯藩

等緊守紫陽各隘口復派守備孔耀林帶新兵

九百名駐守孝義以遏竄匪北入西安之路守

備魏寧一訓導劉儀帶鄉勇一千名駐守鎮安

以遏東入商雒之路縣丞謝國楨義首周希元

帶鄉勇一千四百餘名駐守茶鎮江岸

臣

與慶

溥馳回石泉爲關騰策應並可兼顧石泉漢陰
江岸其城固洋縣南鄭一帶江岸飛咨王文雄
令其派撥弁兵分投把守使後股賊匪不能踵
至則前股偷渡之賊人數無多庶可尅期掃蕩

同日英善奏言

臣

自省起程途次接據南充縣

稟報徐添德夥黨張映祥等一股賊匪由廣安
岳池竄至順慶府隔河之白塔山等處肆行焚

掠冀圖偷渡順慶府城僅存兵五百餘名經遊
擊謝開先署南充縣曾白柏調集四鄉團勇義
首沿河轟擊賊匪不能搶渡卽由定遠岳池一

帶奔竄

臣

馳抵順慶卽飛飭附近之蓬溪南充

定遠合州各州縣調集團勇分別投落嚴密防
守現據定遠縣稟報賊匪因河邊防守甚嚴又
經團勇屢次擊殺復竄回岳池一帶焚掠查岳

池爲達州軍火軍糧運道

臣

一百飛飭岳池廣

安等處督飭團勇實力堵禦一百飛咨勒保惠
齡德楞泰等就近分兵迎頭截剿庶賊匪不致
蔓延滋擾運道亦可疏通至太鵬山賊匪羅其
清等據營山縣稟報大兵逐日攻撲正值喫緊
此路糧運軍火係由營山渠縣巴州儀隴各路
運供因羅逆另遣賊匪一股在青觀山高梁寺

一帶擾及糧道出沒不常雖經恒瑞額勒登保
帶兵于磨盤寨接運現在足敷供支惟查營中

軍糧軍火斷不可稍有梗阻臣已飛咨惠齡等

務須隨時撥兵疏通不使賊匪窺伺阻截並飭

總理之順慶府知府崔修紳于儀營一帶駐劄

隨時妥辦仍飛檄各州縣如遇糧道稍有梗塞

卽當設法改道稟請由軍營撥兵慎重護送以

期源源接濟並接准勒保來咨亦因現在此路
糧運緊要囑令臣暫於順慶駐劄就近料理是
以卽行暫駐惟當認真竭力隨時妥爲籌辦以
期無悞軍儲均奏入

上命軍機大臣傳諭勒保惠齡宜綿恒瑞富成明亮
額勒登保德楞泰曰勒保剿辦祖師觀一股賊匪
日久總未撲滅盼望捷音日切一日茲據奏報官

兵打仗情形祇係敷衍塞責首逆仍未拏獲其剿
滅貓兒寨之賊亦祇零星餘匪無關緊要實深憤
懣勒保帶領多兵圍剿困守之賊數月毫無展布
遷延玩悞究屬何心若自問不能辦理早應據實
陳明乃竟稽遲多日坐老師徒清夜捫心天良何
在著再傳旨嚴行申飭現在冷添祿旣不能撲出
外無援應之賊更易辦理勒保若再仍前觀望不

卽擒獲首逆其罪愈重萬難解免其林亮功一股

竄至忠州酆都一帶並著勒保飭令劉君輔等實

力堵截毋任竄合所有打仗陣亡之同知王垂重

把總呂尙玉楊國名外委保廷棟朱玉貴均著咨

部加等議卹又宜綿等奏南路賊匪業經截回川

境恒瑞等尤當乘勢夾擊迅速殲除其由長灘偷

渡之另股賊匪宜綿秦承恩等現在分段堵禦亦

當督率兵勇直前奮擊與川省官兵兩面夾剿豈
得以驅逼出境卽置之不問耶所有打仗陣亡之
候補副將德亮外委梁伏吳吉魁均著咨部加等
議卹又據英善奏賊匪竄近順慶設法防堵情形
此等賊匪皆由川北分竄惠齡等剿辦羅其清一
股賊首總未成擒以致各股賊匪四出竄擾而明
亮等追剿之賊亦日久尙任輾轉奔逃均屬無能

已極俱著再嚴行申飭

二十四日

次未

福寧奏言查惠齡等各帶官兵圍

剿太鵬山羅其清股匪所需軍火糧餉爲數浩

繁原藉營山儀隴巴州渠縣等處四處協力運

供而營山一帶輓輸尤爲切近迺前據營山縣

稟報該縣九嶺子老林場一帶白晝均有竄匪

滋擾不得已于夜間派撥壯健人夫騾頭負載

跣道前進嗣又被賊匪攔截連日雖派有官兵
前來接護而運道究未肅清又據報儀隴之水
東寺巴州之三江口地方俱爲賊匪阻隔聞

信不勝焦灼現在渠縣三滙前赴太鵬山軍營
道路尙可行走隨飛飭多添夫騾速將軍火糧
餉全由此路加緊滾運並派委同知李經文馳
赴渠縣實力催僱務期多多益善仍移會各營

分投撥兵疏通運道俾各路得以照常轉輸益
臻充裕查成都重慶各州縣撥解達州軍糧近

因水陸兩路多有梗塞久未運到幸今秋達州

收成豐稔前經永寧道石作瑞轉飭糧員設法

購買寬爲儲備刻下渠縣及三匯兩處轉運兵

米全賴達州撥往實于要需有裨至勒保等川

東各軍營需用兵糧等項業經

臣

分飭各州縣

上緊趕運足資接濟惟餉銀一項截至十月底
止所存無幾現蒙

聖恩賞撥銀三百萬兩解到尙需時日惟有先儘各
兵鹽菜及運腳按例支給餘俱暫行停發一面
飛催山陝各處俟續撥餉銀到境星速兼程分
起轉解俾得早抵川省用濟急需奏入

上命軍機大臣傳諭勒保惠齡恒瑞明亮額勒登保

德楞泰福寧曰現當剿捕喫緊之際軍火糧餉均
關緊要乃老林場一帶時有竄匪滋擾以致運道
未能肅清此皆惠齡等畏葸遷延之咎此時福寧
惟當設法轉輸源源接濟勿致缺乏方爲妥善至
惠齡等剿辦羅其清一股雖將太鵬寨攻克賊首
仍未就擒轉任餘匪四出滋擾阻塞運路實屬無
能已極俱著再傳旨嚴行申飭又冷添祿現已糧

盡援絕勒保務須趲賊匪窮蹙之時速行剿盡移
師川北肅清各股以期稍贖重愆至明亮等追剿
張漢潮一股遷延日久惟事尾追以致復向司渡
河潛逃已距漢江不遠明亮等若再不上緊與陝
省官兵兩面夾擊致令賊匪偷渡漢江明亮等自
思當得何罪耶